

صبرى السعدى

شغف العشاقين

شعر شعبي عراقي

صدرت الطبعة الأولى فى يولييه 2019

بطاقة الكتاب

عنوان المؤلف	شغف العاشقين
المؤلف	صبرى السعدى
التصنيف	شعر شعبي عراقي
رقم الإيداع القانوني	14000 - 2019
الترقيم الدولي	978-977-6726-39-0
عدد الصفحات	136 صفحة
رقم الإصدار الداخلى	450 الطبعة الاولى يولييه 2019
المقاس	20X14

جميع حقوق الطبع والنشر محفوظة للمؤلف، ولا يحق لأى دار نشر طبع ونشر وتوزيع الكتاب الا بموافقة كتابية وموثقة من المؤلف

مؤسسة النيل والفرات للطبع والنشر والتوزيع

ثورة مصرية تشرق إبداعاً على الوطن العربي

رئيس مجلس الإدارة

ناجى عبد المنعم



مؤسسة
النيل والفرات
للطبع والنشر والتوزيع
أسسها الشاعر ناجى عبد المنعم
حزيران 2017

رخصة مزاولة مهنة: 58365 - سجل تجاري: - 13242 / 2017 - بطاقة ضريبية: 35-01-572

عضو عامل باتحاد الناشرين المصريين رقم 941 لسنة 2018

هاتف: 01011256943 - 01116202218 - 01202541192 - تليفاكس: 020554372901




النيل والفرات

nagyegy200064@gmail.com




[alnilwaalfourat](http://alnilwaalfourat.com)

alnilwaalfourat@gmail.com

المقر الرئيسي: ج.م.ع. محافظة الشرقية - العاشر من رمضان - مجاورة 13 - أمام سنترال 13 - عقار 304

الاهداء ...

الى احباب
الرسول الكريم محمد (ص)
الى احرار العالم
الى وطني
قصائدي

المقدمة...

بدأت بعدة مواهب في متوسطة الشطرة
منها النحت مع الاستاذ عبد الرزاق الكايم .
التمثيل مع الاستاذ المخرج عادل الكناني.
الموسيقى مع الاستاذ رشيد جاسم .
ولكن كان الشعر هو الأقرب الى نفسي وبدأ بتشجيعي
مدرس اللغة العربية الاستاذ عبد المنعم .
وكذلك تأثري بوالدي الشاعر ومدينتي التي يتواجد فيها
الشعراء عريان السيد خلف وكامل سوارى وفائق عبد
سعدون ورحيم الغالبي وآخرون فبدأت مع الشعر ومازلت
فهو عشقي.

وحاليا في الاعلام ولكن موهبتي الرئيسية هي الشعر.
انتميت الى جمعية الشعراء الشعبيين فرع ذي قار منذ
بداية تأسيسها وكان انتمائي في 1980/9/22 ساعدني
الانتماء الى صقل موهبتي من خلال الاماسي الاسبوعية
والمهرجانات وتواجدي بين شعراء كبار عشقت المفردة
الشعبية وكانت لاتفارقني حتى ببرامجي الاذاعية
والتلفزيونية اوصفها من خلال كتاباتي لسيناريوهات
برامجي .

الميلاد

النبي يوم انولد
ابمكه ابربيع
حصلت ابيوم الولاده المعجزات
جانت اول معجزه
ابحال الأصنام
كلها منكبه الوجه ومد نكات
وارتجس ايوان
كسرى اوي الوليد
واقره بالتاريخ اشكد شرفات
جانن اربعطش
شرفه البيوان
ابليلة المولود كلهن ساقطات

وساوه فاضت
يوم مصباح الوليد
البحيره الوادي كلهن فايضات
وخدمت النيران
عد فارس جميع
وكبله ندري اشكر جانن ثاكبات
هي كثره
الحصلت ابيوم الوليد
واحنه نحتار اشنعدد من صفات
يارسول الله
نحتار اشنكول
وانته ربنه ايكول سيد الكائنات
(الاسراء والمعراج)

يلي كبل الهجره
حيرت العقول
واسرى بيك الله ولصوب السماء
ابليله من مكه
سرت بامر الاله
انذكرت ابقران ما ضلت خفاء
البيت مقدس
انتہ والمسجد سریت
وللسماوات اصعدت وبلا عناء
سدرۃ المنتهى
والعرش اعتنيت
وشوفك ايات واسرار اوضياء
البيته المعمور
وداك الكريم
اوتحت عرشه امن التقيت الانبياء

وشت كل منزل
لاهل جنة الرحيم
كلها وبليله يمن روي فداء
يارسول الله
ياالشخصك بشير
ياهو مثلك نزلت ابحقه الاسراء

فاطمة

من ابن مكتوم
اجه ايزور الرسول
وجانت الزهره اوي ابوها فاطمه
عافت المجلس
حبيبتنا البتول
وهي تدري ابلا بصر بيه عالمه
اتجالس اعمه
مارضت بنت الأصول
ولا تكعد وي رجل وتسالمه
من سأل منها
النبي راد اشتكول

جاوبت ردت لبوها اوباسمه
صح عديم النضر
مني ما ينول
لازم امن اعيونها اتريد احتمه
والحواس البقت
عنده ما تزول
والعطر بالمرأه خاف اتسمه
ياهو وبهذا الوقت
مثلج خجول
اوين حضه اليوصل الهاي السمه
فاطه فاطمه الزهراء يابنت الاصول
تقتدي ابدرج عسى كل مسلمه

يابو الحسن

من اول هجوم

القاذفة بي تو

من اول شضايا الطاحت ابسدي

ضلمه الدنيه

صارت والعيون اتدور

بس اسمك ضواي او غيره ما عندي

انتة اول فزع

يا حاضر الشدات

ويا هو المانذب باسمك لمن تسدي

سدت ياما سدت

واتوسدينه الضيم

نخلص من مصيبه او ثانيه تبدي

كل ساعه

انتشاهد لحضه ما ننسأك

انته اوسوره الاخلاص والحمدي

كضينه العمر

بالضيم واللوعات

واجروح اشكر ما طايبه اوتدي

نمشي ابركب

رادو كوه عالمشون

نمشي الياكتر ما ندري من نبدي

كصرنه الجدم

بس همه السياف

كوه اتريدنه نتبع اليحدي

علي يابو الحسن

لايامك انحن دوم
ونحاجي الايام الرايحه ردي
نشرت انتہ العدالہ
اووحديت اصفوف
يسيف اسلامنه اوللأبد ما يصدي
ابشخصك يقتدي
ردنه اليجينه ايقود
كتاب الله ابيمينه اوللعدل يهدي

شغف العشاقين

للعشك نرسم
صور في هالحياة
وكلمن ايدور الوان الفرشته
يرسم ابمحبوبته
اباجمل الوان
وحتى يكسب شوكلها الي حبه
واحد ايوصف
عيون وشعر ليل
واخر او اخر وكلمن رغبته
لكن اغلبها
صور تحمل خيال
مو حقيقه وروح صدك رادته

لكن الحب
الحقيقي
وحب جنون
ابكل حواس البشر اعلن ثورته
شفته عد ناس
اترست
ارض العراق
وهامت اتباهت ابشوك الحملته
اتجمعت احرار
من كل الاديان
وفي جميع احساس عدها عشكته
اتبارت اشترسم
صور حبها الوحيد
ابيا شكل يالون شعرا رسمته
هامت انجنت

طفح بيها الهيام
ورغم ما خلو حواجز كصدته
هوه واحد
عشكته
اوهبت جموع
اتسابكت كل الجموع الديرتة
اتسابكت
بر وبحر جو الجموع
ابأي طريقه اتريد تبغي وصلته
بس عشك بيه سر
خاص من الأله
الأله اوجده جلت قدرته
لأن نعرف
بالبشر لو حب حبيب
ونعرف ابروحه اعله شوكة وغيرته

لكن العاشك
عشك من ضايقاه
وكام يوكف بالطريق خدمته
وناس جافت
ناس تمشي ابعد طريق
والتعب تمتد ادين او عانتة
والبرد شافوه
في هذا الطريق
تنزع اهدوم العليا وغطته
داخت ابحبه
ملايين اعتنوه
وياسعيد اليوصل اول حضرته
الحبها تهتف
نسمع اكل اللغات
كلمن ايعبر الحب بلغته

ايجادل القس
الموالي ابها الطريق
لاتضن عشكك الك في عضمته
عشك احرار الأرض
عشك الجميع
وكلنه اجينه ابشوك نحمل رايته
اتعنت من الصين
الى ارض العراق..
وبيت جاهز في طريقه نصبته
اشجاب بكين
الجنوب الرافدين
وعلم فوك البيت للحب رفعته
كتبو المعشوك
منكم ياعراق
انحبه ونخدمه الكصد لزيارته

القمر الساطع

إذا ربّنه الكريم
اتباها باتسان
يا هو المايحبه اوبيه يتباها
قمر ساطع علي
اشما مرت ازمان
علي الاسلام كله النبي كالاها
كتاب الله النطق
والسيف ماهان
تسطف الكفر وبوحده لاواها
علي علم اومحبه
اوكرم واحسان
علي ابوصفه كتب ما تحصي اقراها

علي ماتام مره
اوجاره جوعان
خبزة قوته وحده اواكرم انطاها
علي حبه
الرسوله اوكثر الايمان
ضحى الهم حياته اوروحه اهداها
علي ابخمس انبياء
انوصف مادام
رسول الله الكريم اوبيه جمعها
علم ادم علي
اعلم الاعلام
انبياء الله علي وبعلمه ساواها
علي اشنكتب
ابشخصه تعجز اقلام
فهم نوح ابعلي اوكل عله داواها

علي ابكل المعارك
عنده صمصام
ابطش موسى النبي لو كوم لাকাها
علي كرم او محبه
ورجل مقدم
ابجهد يحيى علي الاسلام يفداها

دينك ضياء

شوف درب

ا ضلم ودينك ضياء

ولو لجأت ا لدينك انت ا تنوره

الباري را د

ايسود كل خلقه ا لصفاء

ما يريد اكلوب سوده ا ومغبره

ولو عرف

وا حد نه قانون السماء

ما جرى با لدنيه هذا الي جره

ناس عاشت

با لفتن ناس برياء

و ناس ما تعرف ا لوحده امطشره

من كتاب الله

لو حكم القضاء

جان ما ضل عدنه واحد مسخره

ليش منشوف

الختم بيه انبياء

وهو حتى البيت با رينه سره

نقتدي يا يوم

با صحاب الكساء

وبقضيته ا حنه الحسين ا ناصره

با للسان

الدينه اشكد ا دعياء

لكن التطبيق خلها ا مد ثره

نعوف كمنه

الدين ويزيد ا لبلاء

وبا لبلاء انكوم نندب حيدر

ليش حيدر

مثله هم عدنه ولاء

اب سيفه وبعلمه الي جان امنا صره

جان حامي

الدين والحا مل لواء

حتى لو وحده ولا من ازره

ترك ربنه تصافينه بدينه

يريد الصدك يتمسك بدينه

نصحه ومن صدك يمته بدينه

ابدرب الخير نمشي احنه سويه

الليث الابيض

يلي ازرعت شجره
وخضرت بالبيت
ومن نبعك روت وردت اغصاني
جنت انه بعيد
وبيدي جان القيد
ومحتار ابلوتي وكثرة احزاني
ومن ينفتح سجني
او اوصل
اهلي بيوم
ويسمحلي اشوف اطفالي سجاني
اسأل ابني

بويه الياحد انه ابعيد
والياحد تضل الجيتي امتاني
اذا ضليت مبعد
ياهو اليربيك
وانه اعله الزغر فاكدهم اخواني
رد جاوبني
ابدا
بويه لاتحتار
ولاينشغل بالك يوم وتعاني
لان كل الشباب
ابسني والوياي
بعث انه الكريم الهم ابو ثاني
علمنه الصلاه
وشال منه الخوف

وعلى درب الحسين الصدر مشاني

واخواني

الصلاة الجمعة

اتسابقو وياي

وانه اتسابق وي اخواني تلكاني

اذن صرنه ايامان

وابد لاتحتار

مادام الصدر يابويه رباني

صلاة الشكر

صلي الربك

ابكل يوم

ولا تسأل عليه وشنهو الواني

هويتي الصدر

صار وكلشي

الي بدنياي
اهو عشكي وهويتي واهو عنواني
ندعي من الكريم
الفرج الكم يوم
يفك اغلالكم من سجن صبياني
لان احنه ابامان
وابد لاتحتار
مادام الصدر يابويه رباني
وترد بيه السنين
واذكر
اشما كال
ودعاء الفرغ لمن فتح بيبياني
وحضرت
اول عزاء

اباب كبر الليث
او وصلنه الحضرتة واختفى المنعاني
صح كالو
الباجر
والعزاء ايكون
بس شفت العراق القاصي والداني
هبو كبل يوم
اتجمعو بالباب
واحد همس لآخر هذا ميداني
ناحو عالصدر
فاركنه
اهو ونجليه
وبده كلبى يوجه نطقة الساني
ياشعر

الاكتبة

ويا كلام احجيه

وياظمه اعله صدري اتوفي ذرعاني

لان صوته

اعله ضالم

جان صدر الدين

بس وحده بالساحه ما اله ثاني

عاد الجمعه صلى

او وحدنه اصفوف

واول خطبه بيها الخوف نساني

وتالي هذه روحه

النصرة اهل البيت

ولصوب الامان الصدر وداني

واستشهد مؤمل

مصطفى وياه
وكل مؤمن نسأله ايكول تيجاني
لأن والدهم
وهم امتداد الدين
او وطنه من انهدم رد الصدر باني
وامس زرت الكبير
ووصلت يم الليث
جن شخص الصدر وبصوته ناداني
وجن صوت الصدر
مثل الحلم جن صوت
يسأل من طحت شو محد الجاني
لاتنسون يومي
الفاركتكم بيه
لاتنسون يومي وكثرة احزاني

ضد كل من يـضـدكم
مو لبست اجفان
لاتنسـون سيفي ولبسة اجفاني

حب الوطن

كوم هذا الوطن
محتاج السلام
ليش مسرح صار تتفرج دول
عدنه تاريخ العلي
وي الا صنم
شسوه با لاصنام باللات وهبل
فتح درب الخير
بالحب والوئام
مالواه الضيم منه اشما حمل
كوم دينك نور
ملينه الضلام

لا تضل مجتوف عايش با لامل

نشوف ليش

ابكل كتر صار انقسام

وما نهاب ا لباري صرنه ا بلا خجل

شفنه كل

الي طغوا كل ا للنام

وشفنه واحدهم ا بيا حاله وصل

الغادر من شهر سيفه عليه

رغم كلما جرى اعليه عليه

المشه ابدر النبي وحيدر عليه

احنه اوياه رايتنه سويه

رسالة مهاجر

برعم زرعني الوطن
من طبيته ورويت
ومن خضرت للوطن
بأعذب لحن غنيت
ياوطن ياابو الوفه
اشماضحي ماوفيت
ربيتني ياوطن
كلي شضحيلك
ياهيل طعمك والذ
ياهو اليمل هيلك
اطرب واغني الك
تطرب مواويلك
دايم عراق الوفه
والطيبته اشتاكت

عراق الصابرين

يا عراق
الطيب والحب
يا عراق
الصابرين
يامهد
أول حضارة
خضرت بالرافدين

ذبلت اورود التغرب
عنك ابيوم الفراق
ومانساك ابلحضة مرت
يلهج ابأسمك عراق
يحلم ابيوم اليشوفك
اشتاك الك هزه الحنين
يا عراق
الطيب والحب

يا عراق
الصابرين
يامهد
أول حضارة
خضرت بالرافدين

ابغيرك انت يا وطنه
ماطيب انه الحياة
ولانشم اعطور دجلة
ولا عذب ماي الفرات
ابحبك اوشوكك وطنه
انضاهي كل العاشكين

يا عراق
الطيب والحب
يا عراق
الصابرين
يامهد
أول حضارة
خضرت بالرافدين

يابلاد الأمل والحب
يابلاد الانبياء
غيومهم وتمر عليه
لابد يجينه الصفاء
جروحنه تشفه من شرب
عذب ماي الرافدين
ياعراق
الطيب والحب
ياعراق
الصابرين
يامهد
أول حضارة
خضرت بالرافدين

الطير المهاجر

الى حبيبي الراحل الانسان والشاعر نعيم الخباز

كان لي اخا وصديقا تعلمت منه الكثير كتبنا قصائد
مشاركه ومساجلات بالأبوزية عديدة في سفرنا
المستمرسوية . في رحلته الاخيرہ جاء من كركوك ليصل
بغداد ثم الى كربلاء مارا بالديوانيه والسماوه

يتفقد اصدقائه ثم وصل الى الناصرية وعند وصوله
تعرض الى وعكة صحية ادخلته المستشفى ذهبنا اليه
ووقفنا بجانب سريرہ في الردهه كانت عيونه تتفقد
اصدقائه بالنظر الينا بدون كلام.. تحركت شفثاه وكأنه
يريد ان يقول شيئا ولكننا عرفنا بأنه يطلب رؤية اطفاله
الذين تركهم في كركوك . ولكن وصلوا اطفاله بعد
رحيله...

..فكانت كلماتي

مثل ما جنه
نكتب انه وياك
وقصايد مشترك

ياما حجينه
ومثلما نشكي
همنه بأبوذيات
يا خويه اشكر

وتساجلينه
تعال ومشارك

نتسامر اليوم
وبين اخوان

ريت اتكابلينه
ماريد القصيده

ابحفل تأبين
لأن متنه

اشكر وتأبينه
عدل عندي نعيم

اويائي موجود

عدل لتكلي
مو راح من ادينه
نعيم الزرع
طيبه اكل العراق
وصدى اروحة
حلال اكل مدينه
على طيبة
اكلبيه الناس تهواه
واله الباب
اليكصده امشر عينه
شفت استغفرله
اصحابه بالموت
ريت السمع
بيه امصدينه
لان واضح
محنة هاي الكلوب
تفارك مارضت

روحه الحنينه
ومن ديرة
غرب شديت الرحال
ماندري
ابقرارك تستقر وين
كصدت الديرتك
بدروب مريت
انه اويك
بيها اشكتر ماشين
بس دار السلام
اليها مريت
وجنه انشم
عطر بيها الرياحين
عفتها من لكيت
الناس مو ناس
ماليها الرمي

ودخان صوبين
وكصدت

الكربله مبروك مریت

حتى اتشم

امان ابصحن الحسين
او واصلت السفر

شوجنك اتريد
اتودع

توصل الكل المحبين
تعال وحلم

عدنه نلتم اليوم
بس لمة

فرح مو حفل تأبين
هذا ابنك

سلام ويسأل عليك
يا طير

المهاجر هاجرت وين

اجه ابشوكه سلام
وبويه من صاح
عزيزك
مو سلام اويهمل العين
حاسب من
اجاك ايلحك اعليك
سمع
ونة اخوتك والمعزين

يالسافرت بالعجل
ماكلت رايح مرد
جم روح بعدك تضل
ماردها بعدك مرد
ما نضن كل فايده
بالبلم ماله مرد

عنك سألنه طفل

بعده طري عوده
ومتاني عودة محب

ما يخلف او عوده
سفرته اتطول الابو

لو بوي اله عوده

يا خوي كلي شرد

حاديك لمن سره
وغير الوصل ما اضمن

غير الوصل من سره
الموت حق انعرف

ما ينعرف من سره

بس الطفل لوسأل
عمه وطلب شافاك
وانته الطلبته لجن
بس حركت شافاك
لا شفه هوه ارتوى
ولنته خذت شافاك

بعدك سلام اشتغن
هم ينتهي حزنه
حز عضمه حز الجفه
لا كل محب حزنه
لكن رغم ما جرى
بعدك اذن حزنه

شوفة سلام الحمد

للّٰه وبقه بعداك
صح الجفه والبعده

ماردنه الك بعداك
ولا ردنه باول وكت

يحصّل يخّي بعداك

ردناه بعده العمر

يطول بعد وياك
وينهل نبع طبيبتك

كل صادفك وياك
يالكتلي انهّل وفه

عوف الغدر واياك

بالدنيه تغدر احد
لا عيش بس الطيب
واتركهن الخزّن
اجروح الدنيه اتطيب
يلي ترائك ورد
ما فاح غير الطيب

قله الحمل طيبتك
حكنه اعله بعدك نحد
ودرب السلكته وفه
مايوم عنه نحد
لوباج سيف الشعر
بدروس شعرك نحد

لن سيف شطر الشعر

عندك بقة من سال
يا وسفه سيفك هدا

دمع الطفل من سال
تدريني حاير صرت

طفلك يخى من سال

مدوهن نعيم اصبحت

ضليت حاير مرد

اطفال العراق

عيد والاطفال

تفرح لوجه عيد

وبملابسها الجديده اتصاحه

لكن اطفال

العراق الالها ويد

اعيونها العيد الله ضلت شاحه

اتريد مثل

الناس بالثوب الجديد

ومثل خلك الله العزيز اتصافحه

دورت شارع

فقط يومه سعيد

ولا بيوت امن القصف بيه طايحه

مالكت بس

تالي شافت من بعيد

وركضت اجتازت اجلاب النايحه

وصلت المرجوحه منصوبه جديد

مثل ما شافت ابلم البارحه

وكبل ما تصعد ابلفه تريد

صوت سمعت لنها بالدم سابحه

مضايفنه

مضيف الي

انبنه ابذي قار

تضل نار الوجاغ البيه وكاده

امشرع

بابه للطيبين

اعله بابه اليا هلا جلمته المعتاده

من طيبة هله

طيبة كهوته اتفوح

والمضيوم طبه ياخذ امراده

يمد ايده

ابصلح

للنكر طيب الزاد
لوجه اعتذر ويوكله من زاده
مضيف ازرك
سعد واحبيب وموحان
يزهي اباحضره وبماضي اجداده
مضيف امزيعل
وشرشاب وسليمان
واسعيد وخفاجه خيكان وعباده
مضيف ارميض
وخيون وابن ارجاب
زلم كرخان زلمه ماهم اشداده
تتباهاه العشائر
بيه اهل ذي قار
اويضل عامر كريم ابنخوة اجواده

من اول مضيف
انتصب بارض الطيب
اصبح مد رسه للي يكصدونه
كرم واخلاق
واداب الكلام اشلون
وبالديوان موزون الكلام اويجب يحجونه
يعلمون الطفل
من كعدة الديوان
او بسوالف زلم منهم يدرسونه
الشجاعه والحلم
فارس يصير اشلون
وبعشك الوطن برعم يغرسونه
يتغذه المبادئ
والحكم والطيب

والحق والعدل منهم يغذونه
ومن يكبر يشارك
اهله كلشي ايدور
بعد ما يكبر اوكلشي يعلمونه
عادات المضايف
عدنه صار اسنين
وعشايرنه سنن دستور مسنونه
تنحل المشاكل
وبمضيف الطيب
واترد الاهلها احكوك مغبونه
وتتعانق زلم
بعد النزاع الدار
والشيخ الحكيم الكل يقدرونه
بعد عدنه

المضايف باقيه ابذي قار
ماعدنه المضيف الفرغ ماعونه
وبعد تزهى
اباهلها وفرة الفنجان
والهاون يمرحب من يدكونه
ملا ذوعون
كل كاصد يريد العون
ابهلا ويا مرحبا كلهم يحيونه

صور من الواقع

الصورة الاولى..

(اس)

اس اس اس

اجروحي

مالومه

او تكلي

خايب البطران اس

كلي

بالتدمل اجروده

او غاضهن

جف الشماته

اشلون بيهن مايحس
كول اه
اتكلي انتة
بس اريد
الاه تحجيه ايهمس
هوه طبع
الاه شنهو
من تطك
بالفاه واترسه ترس
خايب
الضيم البكلبي
يركص الجوبي
وعلى
الكترين يردس بيه ردس
وكلت اه

اوكلت اس
و صحت
اخ وكتلي اس
ياوكت
بعت النضيف
ابسعر فافون
واشترت
ابذهب ياوكتي النجس
وفوك
هاي الخربطه
واتكلي اس
ادري بيك
اتريد كلمن
باع عرضه
اوشرفه

وابوسط
بیر النذاله منغمس
اتريد كلمن
يهوى
عیشه ابلا وطن
ويبيع عرضه
اوشرفه ابسعر البخس
راح اصيحن
باعلى صوتي
ترضه ماترضه
ترى ايطبك.....
اس اس اس
علي
يامضلوم صوتك
الياحد الضيم البكلبك منحبس

الصورة الثانية

(اسكت)

اسكت اسكت اسكت

ايحوفني

ويكلي اسكت

ايبوكني

ويكلي اسكت

يامر ابغض النظر

عن الجريمة

ويامر المبيوك

كول لاسمعت اولاً شفت

يشهر ابوجهي

السلاح اكبال عيني
من اكولن ليش
يحسبها تحدي او ماخفت
يشرب
ابدم الفقير
اكبال عيني
ويامر ابلزمو الصمت
ويغلي دمي
ايفور دمي
وارجع اليوم
الولاده البيه صرت
الموت
احسن من حياه
يسكت المبيوك

عن غدر الحرامي
والكتله انسان
حك المات ضاع
ليش لان موته كبت
ليش يا عالم صفه
مامش امان ابها لوكت
ليش يا عالم
اخوك الراضع
اويك الحليب
اويمه يا عالم
تنام او امنت
ايبوكت ابهاذي الايام
بس يشوفك غمضت

انه مو عايش الاحجي انه من اسنين صدكني متت

الصورة الثالثة

(السكته تكتل)

السكته تكتل

من تشوف

الباع عرضه

اوشرفه بالفرح يرفل

السكته تكتل

من تشوف

ابصدر ديوانك حرامي

والنزيه ابعره

كاعد حتى بالديوان يختل

السكته تكتل

من تشوف
الناس كامت
تجني الغراب
او تحرم شدو البلبل
السكته تكتل
من تشوف
الدبره
صارت بالاصيله
اوشرطة الخيل
اصبحت
بس هيه تصهل
السكته تكتل
وانه جرحي
امخزن او ما بعد يحمل

الصورة الرابعة

(بن الفقير)

يل تكلي
احجي اعله كيفك
مثل ماريد الحجي بهدايه
لا ولك
عالضيم مصبر
باعلى صوتي
احجي اعله وكتي
والحجي العند الفقير اهوايه
انته عايش بالنعيم
وانه خادم

هالوطن وكتي
ضكني او عايش ابزياه
يلي كاضي الليل
وي ليل المراقص
وانه من مامش
اجل شحو زلمنه
او كاضي وكتي ابردة الملايه
وانته
انته يالتاكل
ولك
لحم الغزال
وانه هذا
بن الفقير
الصار الي
الخشني حبوب اوكل وكت حبايه

دنيه

احمدالله

عاجرہ

اوكلشي يصير

دنيه يوميه نمر ابمشكله

وانظرالكاع

ابتمعن من تسير

لاتظل امتاني صوت القنبله

كاع ملغومه

اووكت ضد الفقير

واليبيع الطيب وكته ايبهذه

اتشلبه بذراعك

يخوي اودك نفير
عاليريد اينول حكك يوصله
وصير نشمي
اولاتخاف امن الصفير
اولا تسوي الحبه كبه او معضله
مو بديهي
اليطول اجناحه يطير
ايجوز حدر اجناحه طلعت دمله
ولاتراهن يوم
انتاه اعلاه البعير
يعبر الصحرا واراضها الموحله
صح تشوفه
اعلاه البعد طفه جبير
بس تراهو الطف الجسمه ايكمله

عنده كومه
اعضاء وبنفس المصير
لو يلوع الخشم كلها اتلوع اله
لاتراوغ
لاتساوم لاتحير
الدنيه كلش ضلمه صارت مهزله
اصفن الدنياك
بعد الصفنه غير
حتى من يوكف ابوجهك بهذله

الصبر ايمان

الصبر ايمان

بالشدات مطلوب

وحشى ربك نسى يو المساكين

اصبر عاليجيك

وكول مكتوب

واتحمل طعن كل السجاجين

مامل وجزع

من صبره ايوب

ولا بالصبر انت اول البادين

اكل لكمة حلال

ونام متعوب

وليهمك ترف ابن الزناكين
دنيه ولعب بيها
اليمشي مكلوب
وضماير مو غفت ياصاحبي اسنين
العمل منكر
عليه اتزيد الذنوب
وكفر كل من سلك درب الشياطين

ومضه

مديت

جفي الك

وانعصرن الجفين

من جفي

سال الدمه

والجف صبح نصين

انغشيت

شاييل ورد

وملكاك كلش زين

ثاري انته

شاييل ورد

وامغطي بيه سجين

مساجلة

كتبت هذه القصيدة مشتركة بين الشاعر الراحل نعيم
الخباز والشاعر صبري السعدي.

واتفقوا على ان يكتبو على موضوع ...من باعو
ضمايرهم وغدرو باصدقا ئهم والمتشاعرين واهدائها الى
الشاعر الراحل علي نوري البازي لكونه اول رئيس
جمعيه شعراء في محافظة ذي قار ليرد عليها بقصيدة...

صبري السعدي

ياحجي علي

خبرنه وين انشيل

من غدر الرفاكة

والله شفته الويل

شفنه الويل
منهم بالظهر يحجون
كلي ياوكت
ياحجي ينصلحون
ماعركت كصصهم
لاهم ايخلون
وهجرو جلمة
الحك عشكو التأويل

نعيم الخباز

عافو جلمة الحك
والبطل ركبوه
ومنهم ذاب كلبي

والجذب نهجوه
إذا صاحبو صاحب
بالعجل غشوه
ستر الساتر
الله كلت من هالجيل

صبري السعدي

ستر الساتر
الله اشلون بالتالي
وانا هالحين
صارو فوج عذالي
اليحمل ضيمهم
اله بشر الي

ابد ماله غرض
باليوشي مره يعيل

نعيم الخباز

اليحمل ضيمهم
مخلوك من فولاذ
سوبرمان طبعه
وعن طبعهم شاذ
لوبيه نقص
طبعه وبالواته استاذ
وغيره ايضل
يكت بس الدمع ويسيل

صبري السعدى

جالي ضيمهم
والطعم جالصير
واحنه المابرمن
عدنه كل تقصير
ندعي للاصحاب
ايعم يحجي الخير
ونهى من
كلبنه مو جذب تمثيل

نعيم الخباز

نهى الهم الصلحه
والصلح مريود

ونجلف دوم
ونحك بالكلوب السود
يحجي الشغله
وضحت ماتريد اشهود
جالي طلع
ودهم بالخياته ايهيل

صبري السعدي

جالي طلع
ودهم بالغدر هيال
طبع ثعلب
طبعهم ماکر وحيال
اليکالهم غلط

تهموه ابخيط اخبال
ويكضون الليالي
بشخصه بس تنكيل

نعيم الخباز

حاجينه يحجي
شالبصر والرأي
صبي العين
مولح بعد مابيه ماي
سجتهم اكلهم
هاي كالو هاي
لو طاحو ابلوه
حيل بيهم حيل

صبري السعدى

بيهم حيل
كلمن غدر يستاهل
وياهو الراد
منه بنضر العاقل
واشين ومنافق
وارعن وجاهل
بانو ما نفع
ما فادهم تضليل

نعيم الخباز

منهم وين نجلي
كول وين انروح

يحجي علي وحكنه
بالاسرار انبوح
نكضي العمر
ترضه بالسكم والنوح
من احللهم
اشوفن ويل بالتحليل

صبري السعدي

نريد اكلوب
بيضه وين نلكاها
ونريد اليحجي
جلمه ايعرف مغزاها
ونريد الصان

خوته وعرف معناها

تعبه ومالكينه

حجي ماضل حيل

نعيم الخباز

ماضل حيل عدنه

وشفته منهم ضيم

جوهم درم

غيم ويكت هم الغيم

مافاد النصح

بيهم ولا تعليم

نشرده منهم

احسن ذوله حجي ابليل

صبري السعدي

جاوبنه يحجي
ادروسك انت اشمل
وباعك بالشعر
من عدنه انت اطول
كلمن اجه
تالي اصبح الاول
الحد هذا
يحجي وما عليك انطيل

وقد اتفق الشاعران ان تنتهي القصيده بهذا المقطع
وترسل الى الشاعر الحاج علي نوري البازي وقد تحقق
ذلك وكان جواب الشاعر البازي سريعاً....

قصيده الشاعر الراحل علي نوري البازي

حين الخلق

ربك ادم ابهاكون

وزوليت

الحياه للبشر مددها

جلت قدرته

ماقرر اشيردون

اعمال

الخلايق راد يرصدها

انظر للحياه

واتمعن ابتركيز

وشاهد جم

اديب انصاب بالتنشيز

داسو بالاقدام

ابلا سبب وارض

دنيه ومارستها

وشفت بيها فنون

اصحاب الحقد

من يكدر ايردها

خلي انكول

كل الي نشوفه ايهون

والايام تكشف

من سعه ضدها

ياصبري ونعيم

ولو نرد للحك

مندينه الي

نشوفه وحدث هالتقصير

ذوله احنه

الرضينه

او وسعينه الشك

هذي احبالنه

ودندلت بالبير

بجدم صلفه الدلو

من وصل راسا طك

وعلى صوت الدلو

بعض الرفاكه اتطير

عوافي الي جرى

خليهم يضربون

السنابل لو روت

يرتاح حاصدها

واحد يكتب
انه وميه اليمحون
المثل ذوله
اشتريد بفكرتك عدها
تعس وضع
النشخصه ابعض هاي الناس
قسم منه
مريض ولو وله ياذيك
عكس مافكرت
عنه يشيل الراس
لوبيده يحركك
والله ويذريك
هذامن نشأته
دغش عنده الساس

تقدره بالتبر
هو بتبن يشريك
طبعه من الولاده
عائدي ويخون
حلمة ديس
امه ايكضها ويهدا
شوفه من الطفوله
الحقد عنده اجنون
اشلون ايصير
هاي الناس يرشدها
كافي من
المهازل والهظم والههم
وكتنه ايريد
منه الايد فوك الايد

احنه اخوان
كلنه فرد روح ودم
تكاتفنه يصبري
بالعون كون انعيد
ونتجمع سويه
والجرح يلتم
ونجلي كلوبهم
ويصير عدنه العيد
ليهمك عقول
اهل الطمع يحجون
يدمرون
الحقايق لون ننشدها
واحدنه جبل
ما يطخ للي يجون

احنه ما نريد
الي يهددها
وهذ مو جديده
ابعهد حام وسام
وبعهد الرسول
وحيدر الكرار
نفاق وبلبله
ومرت الوف اعوام
واحد لو نظر
للتاني منه ايغار
الدنيه اثنين
بيها مصلح وهدام
بيها عبقرى
وبيها يوج النار

هذا العبقرى
فاهم وعنده عيون
يصد اهل
الرديله ويوكف ابجدها
وذاك الى
تعرفه جاهل ومفتون
لتبالي اذا
رجله يمددها
ابسط معضله
عنتر ابن شداد
جم واحد تحده
وشاف منه المر
قصد ربع الخراب
وها لقضاها اعناد

اندفن وسط
الرمال ولا مجال ايفر
تمسك بالصبر
اجمل هدايا عاد
وعدوانه تلوج
الحاقده او تنتظر
هذا اللوم كله
عالي اليربون
اذا بذره وحلال
الخالق ايمدها
وذا جانت كسيفه
ادرك المضمون
موانه الاكول
الناس تنشدها

شد حيلك يصبري
واسحك الكلفات
انه ادري بنعيم
الماتهمه فلوس
ولو ردنه العلو
صرنه ابزمان الفات
وعلى اعيون
اليضدنه اكل دقيقه اندوس
ارفع للتراث
وللادب رايات
وخلد ياعزيزي
للجيل ادروس
احنه انروح
والجيل اليجي يفرحون

خصوصا لو قصيده
ابعمق ترفدها
للتاريخ واحدكم
اریده عون وايدہ کبل اید الحاقد ايمدها

تاهت

تاهت

وا لسفان امطورش

والي ايصيح

اهلاه اهلاه اصبح ا بكم

تاهت

وا لسفان ا مطورش

وا شجم عربيد

اعله الاشاطي صدك ا رقم

تاهت

وا لبحر

ا تخوف روجا ته

وبروجاته الجرف ا تهدم

تا هت

والتا يه

ضل يحلم

يحلم يحلم يحلم

يا لراكب

بسفينة وتا يه

يا خوي

اصبر وا جرع عنكم

طول با لك

يا خوي اصبر

وبصبرك را يد تتحزم

البيت

الواحد ما يتصافه

وا تريد اسفينتنه التسلم

وصلوا

مجداف اسفينتنه

كسروه اخيت الي يسلم

الراكب بيها

ايعرف التالي

لو ضايع لو موته ا محتم

بس رايد

منك ياعيني

ضل صامد صامد لا تهتم

لن ذوله

اشما يبني الحايظ

تاليتها يطيح ويتحطم

ازامط بيك

اذا انت الازامط بيك

وره اكاتار

الغدر شو كمت تتختل

اشلون اتريدني

ابقه الاوي اسيوف

واتكلي اصطبر واتريدني اتحمل

حسبالي تفز علي

اتكلي عد عيناك

واتكلي

عد عينك محنتك تسهل

الغدر

لوعدو عاقل جنت اتحمل

بس
انه عدوي ارعن مخبل
مسودن من اجاني
موش بس السيف
كلشي
جاب الي حت عامل الخردل
وشيعه كل نجاتي
اتشربكت ياناس
لا اوصل الراس ولا اذن تتحل
انا ابياحال
من جور
الدنيه اويائي ناحل والجسم مغزل
افزع
ياللا زامط بيك
بس نكاد

كلبي الضال
يحجي اويك
لاني بنص بطن مرجل

صبر ايوب

صبرنه

ويا صبر ايوب

طبع ايوب ياصبرك عراقينه

انغدرنه وكثرت الطعنات

ومشاكف اوي الطعنات ضلينه

يطيحونه ونرد انكوم

مصاصة دماء التمو اعليه

جريحه اجفوفنه

ونتلاوه وي غدار

ابجف مجروح وانلاوي سجاجينه

شيب وشاب

بِعْرَاقِي يَلَاوِي الضِّيمِ
يَا ضِيمِ الدَّمَارِ وَكَثْرَةِ اسْنِينِهِ

صَبْرِ أَيُّوبَ

نَصْبِ

لَوْ دَمَارُهُ أَيُّطُولُ
ذَوْلُهُ أَحْنَهُ وَحَكَّ عَيْنَاكَ تَلْكِينَهُ

ضَحِينَهُ وَنَضْحِي

وَيَشْهَدُ التَّارِيخُ وَاللَّهُ

أَهْوَايَ يَا مَا أَشْكَرُ ضَحِينَهُ

أبوذيات

يروحي بعجل همي انتي وجد ماي
الحضرتة البابه وديني وجد ماي
الباري الكبره من وصل وجد ماي
عوض جربته الردت خلــــيه

اتريد المعــــجزات احد رولها
ودروس البشر من ربك رولها
الماي اشجابه للحضــــره رولها
من الباري العطاشه الغاضريه

(الزنجيل في الأبودية)

الاهي الهج او طول العمر بسماك
وروحى ادخيل عندك تضل بسماك
نبي الاسلام ندري كبل بسماك

محمد واحنه اتباعه ودينه
وتذله الماسلك دربه ودينه
الجباه الطاعتك نرفع ودينه

وكتابك واجب انحفظه عليه
ابغيره انتيه وبدربه عليه
اووصي النبي ما ننسه عليه

قام اسلامنه ابسيفه و علمه
وحروب الشهدت النصره و علمه
نشر اسلامنه ياما و علمه

علي اتفاخر ابسيفه اوذكر حسناه
وامامي الثاني ليه اتجه حسناه
الاشبه بالنبي ينوصف حسناه

وشباب الجنه وي حسين ساده
ولاباب الكرم قد يوم سواده
زمانه بالكرم والحلم سواده

ريحانة رسول الله سموه
وعلى دين الرسول الكفر سموه
سابع صفر تالي ابغدر سموه

وامامي الثالث احيا الدين من ثار
ومثل بركان ضد الكفر من ثار
نهض لاجل الاسلام اوابد من ثار

صاح اسلامكم نوره طفلانه
ليش اسهامكم تكصد طفلانه
لكن مادروا رده طفلانه

ضل تاريخ كل عمره شهداه
مر الموت بس عنده شهداه
من اجل دينه الحسين اعظم شهداه

وياهو الينسه افعاله وفضله
الكريم اعله البشر خصه وفضله
اسنين الدمع نسجبله وفضله

لان غدر الكفر شخصه وجر به
مثل وبجسد طاهر وجربله
عطش والماي ما ناله وجربله

لأن اسهام غدر اسجبت ماياه
واخوه الراد يروي حسين ماياه
مثل بحر او تلاطم صبح ماياه

بوافضل عالكفر مو اله وكفه
ولا يوم النزال التعب وكفه
ابلايه اجفوف بس استمر وكفه

مو معصوم بس عباس واسماه
وكطع الجف من اجل حسين وسماه
حزين البالارض من طاح واسماه

ولواء الحمد فرق كفر وحده
كصد صوب الفرات اوصال وحده
سيف الماصدا بركاب وحده

ما اثر عليه العدد لاجن
غدر قطعو شماله ابسهم لاجن
وره نخله الغدر عباس لاجان

ولا ابن الطفيل انولد كونه
لان لو باقي بالجفين كونه
مو بس كربله لاشهد كونه

شهدت كل ارضه باخذ ثاره
ولا بطل مسح للكفر ثاره
وكفته اوي الحسين اصبحت ثوره

وامامي الرابع ابريه صلاته
ساجد والبشر عرفوا صلاته
زين اتميزت صدك صلاته

وامامي الخامس البالعلم رايه
باقر بالعلم معروف رايه
اسال بالكتاب ايه ورايه

وريت النبي باصل الدين داري
الدينه اكل عضو بالجسد داري
يريت ابكرب داره اتصير داري

واطلب مغفره منهم واصداق
واعيش ابلا دغش يمهم واصداق
علي ابن الحسين اندب واصداق

امامي السادس الينذكر فضله
وصل الاف راوي العلم فضله
نبل سؤدد شجاعه اوكرم فضله

وامامي السابع من البيت سـمه
كاظم من كظم كل غيض سـمه
بهر ناس اوبريهه يضل سـمه

جبير اعله النصارى افهمه واسلم
وبعد ذاك الحديث ابهاي وسلم
بريهه الكال من شـافاه وسلم

عرف ربه وعرف موسى رضاله
وتبع ابنه البقه بـعده رضاله
دربهم من سلك يصـبح رضاله

والی یشتـمر عنهم ركبـان
ابسفینتـهم عسی اویاریت ركبـان
وشبع من حدیث اباسـم ركبـان

وامامی الثامن البدین جـاراه
ما كفاه ضلـمه اعلیـه جـاراه
هیا مجلسه وبخبـث جـاراه

لكن الرضا ابـعلمه وجـوده
امام الناس کلها اثـبت وجـوده
العلم والفضل والسؤدد وجـوده

سلم رايته والعلم لبنه
الجواد اوبعده تسع اسنين لبنه
حمل راية ابوه اوصاح لبنه

دين اسلامه شمر وجابه
وكلمن سائل ايساله وجابه
وكتاب الله نهل علمه وجابه

وامامي التاسع المصلح وهادي
اهدى للبشر عاشر وهادي
علي اعلم شخص والين وهادي

وامامي العسكري الحسن نجله
نصارى اوشهدوايكونون نجله
فاز الي سلك هالدرب نجله

بايمتنه التمسك نجى واسلام
ابفضائلهم نصارى اشهدت واسلام
نضل الهم نخلد الذكر واسلام

وامامي الحجه طال الله عمره
ابضهوره الدنيه بالمعروف عامره
المهدي كل غلط بالكـون عمره
ولا يبقه غلط فوك الوطيه

صبرنه

من طول صبرنه

او مال كينه احلول

تيهنه مشينه او كثر وا العميان

صح عدنه

اشكتر حفظت كتاب الله

ومن تحجي

ابديانه عدها خوش السان

لكن من تجي

للسور والتطبيق

قله الي يطبق سوره بالقران

الالاف اختمت

ندري كتاب الله

والالاف النصلي لو سمعنه اذان

والالاف التحج

والكعبه بيها اتطوف

وننقلها للعالم رجمة الشيطان

بس بالتفرقة
ياحيف معروفين
لوبيها سباق انفوز عالاديان

خل نحجي
وحجينه ايصير عالمكشوف
ملينه المبطن والحجي المدفون
جدح الصبر
فاض اسنين واحملناه
والناس ابسبابة انريدهم يصحون
لو نعرف
محمد وامتداد انصير
ونمشي ابدينه احنه اشلون مامسنون
لو نسكت
نضل بس بالجناسي اسلام
ونماشي الغرب واشلون ما يردون
ملينه الصبر
كافي ابسبات اونوم
ولا جنه ابوطنه ايهود يفترون

عندما حدثت فاجعة جسر الأئمة واستشهد ألف من
الابرياء ظهر على شاشات التلفاز مواطن يحمل طفلا
على يديه ويبحث عن أهلة ولكن تبين ان عائلة الطفل
مع جثث الشهداء...

من بين الجثث

من بين الجثث

من زحمة الميتين

من ونة جريح ابنص اهل موتى

شفت احرار

تنقذ عالجسر بالماي

تريد المات يوصل بلكي تابوته

بس انسان

شایل طفل یفتر بیه
ما بین الجنایز ردد ابصوته
ضایع ضایع
هالطفل بس الکی اهله اشلون
مایعرف ابوه اوامه لاخته
طفل بعده رضیع
ابنص جثث لاکیه
سنه عمر الطفل والحسره مکبوته
تعب من النشد محد یرد اعلیه
الف عالشط سأل بس الألف موتی

العشق الأبدى

من يوم الولاده

اوشفنه اول نور

من صرخة طفوله اوبعد بسم الله

غذونه اهلنه

ابعثك اهل البيت

مثل در الحليب الي رضعناه

اذن واهم

يغير حاسب اكلوب

اوراد انعيد عن درب المشيناه

ونشيدي

من الطفوله

الاخر انفاس

ابد والله ما ننسه حسيناه

نسمة عذبي

احس نسمة

اعذبي

اتبرد ابجسمي

واحس كل الم عندي يبرد اويخدر

واحس كل الامان

ايخيم اعلاه الروح

واشكد كلبي يبرد وابحضرتة انسر

واعيش ابغير عالم

لوزرت فد يوم

بس اوصل الكاظم موسى بن جعفر

واتمنه

اطوف
ابحضرتہ اہل یوم
من اول اخیوط الفجر من ينظر
واتوسد
امان الحضرة
وابقه ابعد
وابریحة مسج من حضرتہ اتعطر
وابعد عن بعض حد
سیفہ عالمعروف
عاف الله اورسوله او عاشر المنکر

منهو اليرد الوطنه العافيه

يلي اكبر

دوله في عالم تدير..

من وسط افريقيا الاواسط اسيا

جانت ابوكتك

علي ماكو حدود

وجانت ابسيفك دول متصافيه

جانت الاموال

للكوفه تجيك

القاصيه اتدر الاموال او دانيه

وانته سيفك

ياعلي اعرضته للبيع

حتى تشري العشه وخبزه الهانيه

من غزل

اهلك جنت تلبس قميص

وخبزه وي ملحه ابفطورك كافيه

وين مثلك

نلكي احنه ابيازمان

وياهو اليرد الوطنه العافيه

نبني الوطن

بدينه نبني الوطن
احنه العراقيين
ونزرع ونسكي
الارض من طيبة النهرين
نصبر على ماجرى
والمر علينا وصار
بوحדתه نبني البلد
خل نبدي بالاعمار
نكاتف ايادينه
وننسه الي مر بينه

من اجل العراق
وهالشعب نتحزم احزامين
بدينه نبني الوطن
احنه العراقيين
ونزرع ونسكي
الارض من طيبة النهرين

اطفاله تنتظر
والشعب حقه ايريد
والمستحيل انتهى
لو صرنه ايد ابايد
كلما صفيه
كلشي جينه
بالخير تزهي الارض

لو كثروا الطيبين
بدينه نبني الوطن
احنه العراقيين
ونزرع ونسكي
الارض من طيبة النهرين

نحتاج قول وفعل
منريد بس او عود
ونريد همه وعمل
خير الوطن موجود
شمروا السواعد
بهمه وتوادم
صرح الوطن ينبني
لو جنه متصافين

بدينه نبني الوطن
احنه العراقيين
ونزرع ونسكي
الارض من طيبة النهرين

يا أبو الحسنين

يا أبو الحسنين
احضر من نصيح
ابديرتك كثرت تراهي النايحه
زاد بالدنيه
الغلط والصح شحيح
وعاليكول الحك تصيح الصايحه
شدت اهوايه
وهوت كل موصحيح
ونكطت الغيرة ابكصصهم طايحه
مايهمنه اليوم
لومرنه مريح

وأبد متهمنه الايام الرايحه
همنه بالاطفال
تهجع تستريح
امن البواواجي ومن دموع السايحه
يا ابو الحسنين
من زاد الدمار
بس تراهي الفقره عدنه ادوهنت
الدنيه ضكتهم
تره والوكت جار
وفوك نوعه وقاسيه اعليهم جنت
كلشي ماصاير
كبل هالوكت صار
واهل الفلوس الجثيره اتسودنت
تشري حتى الدم

تره ابوضح النهار
وباركت يوم الفقيره لو خطت
وتتحنى الكبار
كامت للزغار
والتقاليد الصحيحه اتخربطت
وذاك من ذاك
الزم نفس المسار
منتظر دنياه
يوم اتحسننت
تحسنت بعديش
وشباقي عمار
والمنية الغادرة كلش دنت

الشاعر في سطور



صبري جعين السعداوي...

الاسم الفني صبري السعدي ...

شاعر شعبي واعلامي عراقي

نائب رئيس فرع ذي قار لتجمع الشعراء وكتاب الادب
الشعبي في العراق...

شارك في العديد من المهرجانات المحلية والوطنية...
نشرت اغلب قصائده في الصحف والمجلات العراقية
والعالمية...

معد ومقدم برامج اذاعية وتلفزيونية...

احد المؤسسين للمحطات الاذاعية في ذي قار وميسان.

محتوى الكتاب

2	بطاقة الكتاب
3	إهداء
4	المقدمة
5	الميلاد
9	فاطمة
11	يا ابو الحسين
14	شغف العاشقين
19	القمر الساطع
20	دينك ضياء
25	الليث الأبيض
33	حب الوطن
35	رسالة مهاجر
36	عراق الصابرين
39	الطير المهاجر
50	أطفال العراق
52	مضايفنه
68	دنيه
71	الصبر ايمان
73	ومضه
74	مساجلة

85	قصيدة الشاعر على نوري البازي
96	تاهت
99	ازامط بيك
101	صبر ايوب
104	أبوذيات
117	صبرنه
119	من بين الجثث
121	العشق الأبدى
122	نسمة عذيبى
124	منهو اليرد الوطن العافية
126	نبنى الوطن
130	ياابو الحسنين
133	الشاعر فى سطور
134	محتوى الكتاب